

## PRÆLUSIO

Prodiit nuper Bonnæ Dissertatio hâc insignita epigraphe: *Dissertatio Juris Ecclesiastici exhibens historiam, exercitium, ac suspensionem turni Ecclesiarum Collegiatarum Coloniens. præcipue per preces Archiepiscopales, quam loco tentaminis Academici publici unâ cum selectis jurium thesibus sine Præside exponet, & propugnabit Caspar. Antonius S. R. I. Eques de Mastiaux in Neuenhoven Bonnensis, Jur. Audit. quinquennio emer. in Aula majore Electoralis Academia Bonnensis die XXV. mensis Februarii MDCCLXXXVI. ab horâ IX. ad XI.*

Præfatio Autoris habet “Viri, quos maxima de exulto jure sacro commendant merita, jam pridem monuere, Jus ecclesiasticum germanicum ex domesticis potissimum fontibus, Conciliis Germaniæ, statutis, privilegiis, & observantiis ecclesiarum, diplomatibus, & scriptoribus rerum germ. hauriendum & illustrandum esse. A primo jam exordio concrediti mihi muneris docendi jus sacrum germanicum, anno abhinc 1771. hanc viam, & quidem non sine fructu observavi, tum in prælectionibus, tum scriptis publicis antehac à me editis; nec me unquam pœniruit, in hanc semitam ivisse. Fidelis itaque legi, quam nihilmetipsi posui, huic viæ insistendi, præsens thema elucubrandum: *de historia, exercitio ac suspensione Turnorum in Ecclesiis Colleg. Colon. per primarias preces Archiep. Selegi confidens laborem meum orbi liter. non fore ingratum, eò quòd materia hæc, quoad dignitas illius postulat, nondum est elaborata satis, quæstiones in praxi mihi plexumque obvias, quas in aliis authoribus frustra quælieris, resolvi. Authores, qui (bonâ tamen veniâ ipsis concedendâ) in historiâ & jure præcipuè primar. precum Archiepisc. Colon. errârunt, corriguntur. Addidi docum. potissima ex parte adhuc inedita, quorum utilitatem ut commendem, non est necesse; adj. etiam quibusdam docum. jam jam editis, ut documenta, quibus mea tractatio innitur, unò fasciculo listerem. Sententiis & decisionibus meis nullius juri*

“ præjudicare volo, imò nec possum, fatis memor, me legem a  
“ alijs suscipiendam scribere non posse; & cùm difficile sit, ad om-  
“ nium sapere ingenia, moneo contradictores meos, ut detractâ  
“ larvâ & absque convitiis & criminationibus prodeant in publicum,  
“ eâ, qua viros literatos decet, modestiâ & christianâ charitate non  
“ personam, sed doctrinam aggressuri, si à me responsum deside-  
“ rent. Lectorem verò, qui scripta mea æquo hætenus animo &  
“ judicio dignabatur, ut mihi favere non desistat, rogo.”

Di boni! Qui hæc sibi cohærent? Sine præside exponit, &  
propugnat. jur. Aud. quinquennio emer. Econtra autor præfatio-  
nis jam tum ab initio concediti sibi muneris docendi jus sacrum  
Germanicum anno abhinc 1771. hanc viam, & quidem non sine  
fructu observavit tum in prælectionibus, tum scriptis publicis ante  
hac à se editis. Autor quæstiones in praxi sibi plerumque obvias,  
quas in alijs autoribus frustra quæsieris, resolvit. Autor autores,  
qui (bona tamen veniâ ipsis concedenda) in historia & jure præci-  
pue primariarum precum Archiepiscopatus Colonienfis errârunt,  
corrigit, Autor denique lectorem, qui scripta sua æquo hætenus  
animo, & judicio dignabatur, rogat, ut ipsi favere non desistat.  
Quid? num ergo quinquennalis Jurium auditor salutabitur autor,  
qui jam à primo exordio concediti sibi muneris docendi anno ab-  
hinc 1771. tum in prælectionibus, tum scriptis publicis ante hac  
se editis viam & non sine fructu observavit, qui quæstiones in praxi  
sibi plerumque obvias, quas in alijs autoribus frustra quæsieris, re-  
solvit; quique lectorem, qui scripta sua æquo hætenus animo, &  
judicio dignabatur, rogat, ut ipsi favere non desistat. Itaque pro-  
cul dubio alius est autor, parensque. Ast quis, putas, puer iste  
erit? Cur inlustre, ac fama super æthera notum nomen celavit, at-  
que, ut contractus innominatus incessit, qui ipse contradictores  
suos monet, ut detractâ larvâ in publicum prodeant, si ab ipso De-  
lio responsum hucusque, quantum scio, neque desideratum, neque  
ex notis causis usquam desiderandum desiderent?

Nonne autem autor manifestus apparet, dum §. 4. lit. a.  
pag. 6. scribit: *Vid. P. I. Elem. nost. §. 194. in Notis*, nec non dum  
§. 15. lit. a. pag. 21. repetit: *Jus hoc ceu essenziale omnibus Collegiis  
competere jam observavi in P. I. Elem. meorum tit. de Statutis Ecclesi-  
arum Colleg. pag. 229. Verùm annon dantur quam plurimi, qui ele-  
menta*

menta scripserunt? Sic scripsit PERTSCH elementa juris canonici, HEINECCIUS elementa juris Naturæ, & Gentium, elementa juris civilis secundum ordinem Institutionum, elementa juris civilis secundum ordinem Pandectarum. WOLFFIUS elementa matheos universæ, atque aerometriæ elementa, BOEHMERUS elementa juris criminalis, ENGAU elementa juris Germanici civilis, SELCHOW elementa juris Germanici privati, atque elementa juris Publici Germanici, celeberrimus D. PUTTER elementa juris Publici Germanici. His, innumerisque aliis innominatus autor num notior, ita ut ejus elementa sive juris canonici, sive juris civilis, sive juris feudalis, sive juris publici, sive juris Germanici, sive artis criticæ, sive antilogiæ, sive tautologiæ micent inter omnes, velut inrer ignes luna minores, adeoque illico constet, HEDDERICHII *Elementa juris Canonici* indicari, quotiens *P. I. Element. nosl. §. 194.* allegatur.

Nonne ergo autor manifestus apparet, dum §. 7. *lit. d. pag. XI.* scribit “Ejusmodi incorporationes Seculo XII. & XIII. factas esse magno numero diplomata testantur, quorum varia retuli in “*Dissertationibus de Parochiis in Diœcesi Colon. præcipue in Ducatibus Juliae & Montium &c.* ed. Bonnæ 1781. *Diss. de eo, quod circa Decimas novalis præcipue in Diœcesi Coloniensi justum est.* ed. Bonnæ 1782.” Ast prima Dissertatio hoc titulo gaudet: *Dissertatio Juris Ecclesiastici Germanici de parochiis in Germaniâ, præcipue Ducatibus Juliae & Montium alternativæ mensium concordatorum haud subjectis, quam una cum parergis ex jure ecclesiastico eruditorum tentamini submittit D. Damianus Hatbard. Ign. Xav. de Meess ex valle Ebrebreitstein jurium auditor, in hac alma & florentissimâ Academiâ Electorali Maximilianeâ Bonnenâ ad diem XV. Martii anni 1781. a nonâ ad undecimam.* Ita vel D. de MEES est dissertationis autor, vel certo ille est, quod latine sonat nullus, qui Polyphæmo tertio potanti respondit. Alterius contra Dissertationis frontispicium est “*Dissertatio juris ecclesiastici de eo, quod circa decimas novalis in Germaniâ, ac præcipue in Diœcesi, & territorio Coloniensi justum est, quam sub præsidio Philippî Hedderich Min. Conv. Presbyteri, S. S. Theolog. Doctoris, eminentissimi Principis Electoris, & Archiepiscopi Coloniensis Consiliarii Ecclesiastici actualis, Consilii Electoralis Academici Assessoris, S. S. Canonum in Electorali Academiâ Maximilianeâ Bonnenâ Professoris P. & O. atque ineltyti Collegii juridici Assessoris publicæ eruditorum disquisitioni submitit Christianus Franc. Weidenfeld ex Neukirchen, Patriæ Coloniensis jurium Auditor emeriti-*

emeritus auctor & defendens. Compertum jam habemus autorem videlicet ipsum defendentem. Quid? quod nuperrime a FULGENTIO DE VERITA *Assertationum specim. V. Antitbes. XCIII. lit. v. pag. 30.* relatum "Cæterum per transennam memorare fas sit, "F. Philippum Hedderich ab allegato diario litterario, nempe *l'Esprit des Journaux Juillet 1783. Tom. VII. pag. 252.* absque ullâ hæsitacione declarari, ac renunciari patrem *Dissertationis de eo, quod circa decimas novales in Germaniâ, ac præcipue in Diocesi, & territorio Coniensi justum est.* Ego interim nuperrime vidi, legique epistolam "a F. Hedderich, ut asseverebatur, propriâ manu conscriptam, quæ paternitatem perfriete negat, & pernegat. Procul dubio ipse "Fr. Hedderich, manum suam quidem non facile diffitebitur. Nichilominus tamen sæpe dicto diario plus, quam epistolæ fido."

Quid nunc? An citatus FULGENTIUS DE VERITA male auguratus, deceptus, atque illusus? Annon potius D. WEIDENFELD æque ac innominatus autor palam mentitus? Posterius longe latèque panditur, ac plene probatur, dum autor §. 10. *lit. a. pag. 15.* pergit "Hujus rei historiam fufius explicatam vide in *Diss. nostra ad Concordata Germaniæ Treveris 1773.* edita, recusa in fasciculo "III. *ad Concordata germaniæ.*" Etenim ab anonymo libri, qui sub titulo: *Ad Concordata Nationis Germanicæ integra Francofurti & Lipsiæ 1777.* prodiit, *Fasc. III. Docum. XIV. pag. 126.* refertur P. Philippi Hedderich *Minoritæ Conventualis Trevirensis Dissertatio ad Concordata Germaniæ 1773. Pars prima exponens Themata historica Concordatorum.* In hanc ergo dissertationem ubi autor dominas manus iniecerit, nunc iterum publice confitetur, se esse ipsum eundem P. PHILIPPUM HEDDERICH, quem POLYCHRONIUS GASMANN, THEODORUS LILIENDAHL, JOSEPHUS de MEDIASTINIS, UBALDUS DE DUOBUS FRATRIBUS, JOSEPHUS DE MILLE ANIMABUS, ac FULGENTIUS DE VERITA tot, tantisque floribus sparserunt, ornatusque pinxerunt. Jam prælusisse satis. Succedat proin

